

Alumni pulang berbakti di KML

UB 20.11.2021 P.04

KOTA KINABALU: Persatuan Alumni KML (PAKML) merupakan organisasi aktif membantu pelajar Kolej Matrikulasi Labuan (KML) dari sudut akademik di samping aktif dengan kokurikulum.

PAKML juga menganjurkan program KML Youth Leader (KYL) bagi membantu pelajar dari aspek spiritual, emosi dan kecerdasan.

Seorang alumni KML, Farah Hasanah AJ, yang kini merupakan ahli PAKML juga sedang mengikuti sesi 'mentoring' bersama KYL secara aktif.

Beliau merasa sangat bertuah dan beruntung kerana mengikuti sesi mentoring dan bergerak kerja bersama PAKML menabur bakti di KML.

Hasil bimbingan 'mentor', beliau dapat menyambung pengajian di Universiti Malaysia Sabah (UMS) dalam program Sains Data.

Farah Hasanah percaya program tersebut merupakan



PULANG BERBAKTI: Farah Hasanah AJ bersama pensyarah Kolej Matrikulasi Labuan.

program yang sangat berguna untuk masa hadapan.

Tambahan pula, beliau juga seorang yang aktif mengikuti program – program anjuran PAKML dan seorang pelajar yang cemerlang dari sudut akademik.

Selain itu, beliau merupakan sukarelawan aktif di bawah YOSH. Di bawah bimbingan PAKML dan YOSH, beliau sendiri mahu

turun padang dan berbakti kepada KML.

Beliau turun bersama rakan alumni KML yang lain menyumbang bakti membantu pihak KML menyambut kedatangan pelajar baharu ke KML.

"Saya berharap lagi ramai alumni KML yang mahu bersama-sama dan berusaha membantu PAKML menyumbang bakti kepada KML," katanya.